

## REGIONAL NEWS

HEADLINES:

1. P&E Minister Pu F. Rodingliana'n Mizoram ah khualzin an pung zel tih sawiin khualzinten an hmuh duh ber chu Mizo hnam zemawi leh inhmangaih tawna ani tih a sawi.
2. Agriculture Minister Pu PC Vanlalruata'n Kochi (Cochin), Kerala bul hnaia khaw pakhat, Kurisumooti, Kattayam hmun vela Cocoa an chinna hmun hrang hrang tlawhkualin, cocoa an chin dan a zirchiang.
3. Prime Minister Narendra Modia chuan nimin khan State leh Union Territory Chief Minister te West Asia buaina thleng mek chunchanga inpuahchahna a sawipui.
4. Prime Minister Narendra Modi chuan Pathianni chawhma dar 11 hian 'Mann Ki Baat' programme a hmang leh dawn.

&lt;&gt;&lt;&gt;&lt;&gt;

P&E MINISTER

P&E Minister Pu F. Rodingliana'n Mizoram ah khualzin an pung zel tih sawiin khualzinten an hmuh duh ber chu Mizo hnam zemawi leh inhmangaih tawna ani tih a sawi.

Nimina Ngopa Jubilee Hall-ah, MHIP Saitual Sub-Headquarters inkhawmpui a hmanpui na ah he thu hi sawiin Mizoramah khualzin an pung zelah Mizoten ze tha leh nunphung mawi tak rei tak anlo nunpui tawh chu chhawm nun zel a pawimawh thu sawiin Mizo hnam zemawi leh inhmangaih tawna chu an hmuh duh ber ani a ti a, hemi kawnga tan la turin kalkhawm te chu a fuih nghal a ni.

Minister chuan Aizawl khawpui chhungah hmeichhia te chu an dinhmunin a zir loh avanga inzuar leh mipa hnathawk thei lo home leh jail-ah tam tak an awm a ti a, Thalaite nun siam tha turin hmeichhiate chu an pawimawh hle tih sawiin Jail awm ngai lo khawpin MHIP te chu tan la turin a fuih a ni.

Khuallian chuan Mizo thuam hrang hrang puan chei leh kawr chei chu chawi nung zel tura tan la turin kalkhawmte a fuih a, sawrkar pawhin Mizo thuam chawi lar turin hma an lak mek tih sawiin MHIP chu an hun hmanah Zonun zemawi vawng nung tur zel turin a chah a ni.

&lt;&gt;&lt;&gt;&lt;&gt;

PRESS TOUR MEMBERS VISIT LOK BHAVAN

Sawrkar laipui Ministry of Information & Broadcasting buatsaiha Sawrkar project hrang hrangte zirchiang tura Mizoram tlawharawn zin, PIB Press Tour Team ten nimin khan Larsap General (Retd) Vijay Kumar Singhchu Lok Bhavan-ah hmuin an kawm a.

Larsap chuan Mizoram chu state te leh mihring tlemna ni mah se, ram pahnih Myanmar leh Bangladesh kar cheha awm anih avangin India rama hmun pawimawh tak leh, Act East Policy-a hmun langsar tak chang pha anih thu a sawi a. Ramri lehlama chengte nena inlaichinna tha tak nei anih avangin boruak a ralmuan thu leh buaina lian tham chhuak a awm meuh loh thu a sawi a. Tunhmain Mizoram chu ram buai ni mah se, Mizoram Peace Accord, 1986 ziah hnuah state ralmuang tak anih tak thu sawiin, tunhnaiah India rama ziak leh chhiar thiam vekna state hmasa ber leh sawhthing khawpui 'Ginger Capital of India' a puan anih thu a

sawi a; hmasawna dangte pawh chak taka kalpui chhoh zel anih thu a sawi bawk.

Larsap chuan Bairabi-Sairang New Railway Line chu danglamna lian thlentu a ni tih sawiin, Zorinpui thleng turin chhim lamah km 200 chuang a thui siam chhonzawm tum anih thu leh, Kaladan Multi-Modal Transit Transport Project (KMMTTP) va pawha, Paletwa leh Sittwe Port, Myanmar nena thlunzawm tum a ni, a ti a. A zawh fel hunah chuan Mizoram mai bakah hmarchhak state leh India ram pum tana hmasawna lian thlentu anih dawn thu a sawi a ni.

PIB Press Tour Team-te hi, Punjab leh Himachal Pradesh atanga lokal member 8 te an ni a, an cham chhunga Mizoram an hmuh dante leh hmasawn zel tura pawimawh ni a an hriatte Larsap an sawipui a. Mizoram chu mawi an tih thu leh traffic dan tha taka zawm a nite, bengchheng ngaimawh tur a awm lote, khua leh tuite'n inthununna tha neia dan an zawm tha chu entawntlak an tih thu an sawi bawk.

<><><>

### AGRICULTURE MINISTER

Agriculture Minister Pu PC Vanlalruata'n Kochi (Cochin), Kerala bul hnaia khaw pakhat, Kurisumooti, Kattayam hmun vela Cocoa an chinna hmun hrang hrang tlawhkualin, cocoa an chin dan a zirchiang.

Minister hian Kerala-a cocoa chingtu langsarzualte zinga mi Dominic Sebastian-a cocoa chinna hmun a tlawh a, Cocoa hi Kerala ramah hian altitude metre 500 hnuai lama awm ramah te an ching nasa ber a. Kuhva, coconut, rubber leh oilpalm kung karah te an ching nasa hle a. Mizoram chhunga altitude metre 500 chinah pawh cocoa hi hlawhtling taka chin theih ngei beisei a ni.

Minister hi Agriculture & Farmers' Welfare Department atangin Secretary Pi Ramdinliani leh sawrkar mi pawimawh te'n an tawiawm a ni.

<><><>

### OIL & GAS

Food, Civil Supplies & Consumer Affairs Dept chuan Mizoramah nitin mamawh eitur leh tuilaththei te dan pangngaiin chawk luh reng a ni tih an sawi a, tun dinhmunah mipui supply pek kawngah harsatna a thlen loh thu a sawi a ni.

Supply Dept Secretary Pi Teresy Vanlalhruii chuan, eirawngbawlina gas leh tuilaththei te chu Mizoramah ni tin a lo thleng reng tih a sawi a. Khaw thlang lama Indo a awm avangin mi thenkhat chuan eirawngbawlina Gas leh tuilaththei a harsat hlau in an inla khawl a, amaherawhchu hlauhthawn ang te thleng lovin heng supply te hi a pangngai reingin a rawn thleng a ti a, tun dinhmunah chuan hlauthawn tur a awm lo niin a sawi bawk.

Pi Teresy Vanlalhruii chuan tul lo a mipui lamin Gas leh tuilaththei an lak lawk vak vak loh nan Gas chu book hnuhnun ber atanga ni 25 hnuah chauh a book leh theih tih a sawi a, hei hi mi thenkhat in midang chan ve tur an lo lak heksak lutuk tur venna a ni a ti.

Akashvani News Aizawl chuan Aizawl khawpui chhunga Filling Station hrang hrang kan tlawh kual a, petrol leh diesel a awm tha a, petrol pump-ah mipui an intlar tam lutuk lo bawk, dan pangngai angin Oil hi pek chhuah a ni a, harsatna lian tham a thlen hriat a ni rih lo.

<><><>

## LAWNGTLAI DC

Lawngtlai Bawrsap Pu Donny Lalruatsanga chuan Lawngtlai khawpui chhunga tuialhthei dinhmun enfiahn Filling Station hrang hrangte a tlawh a, lei leh hralh chungchangah khauh zawka kalpui a tul thu a sawi.

Pu Donny Lalruatsanga chuan Lawngtlai district tana lo thleng tuialhthei leh eirawngbawlna gas chu hmun dang leh ram dangah a chhuah an remti lo tih sawiin ram chhunga cheng mipui te chu dah pawimawh hmasak ber tur a ni, a ti a. Kawnga thang mek pawh a thlenna tur hmun thleng lova hruaikawi leh khawih chingpen a awm loh nan chak taka hma lak anih thu a sawi a ni.

Bawrsap chuan tuialhthei (POL) ah Stock Litre 8000 chinah bura pekchhuah phal a nih loh thu sawiin, Litres 5000 chinah permit hmanga pekchhuah tawh tur a nih thu Filling Station neitute hi a hrih a ni.

<><><>

## SIAHA E-ROLL

Siahaa Village council paruka inthlan thatnaa hman tur Final Electoral Roll chu Assistant District Election Officer leh Additional DC nibawk Pu Abraham Beirazi Khithie chuan nimin khan a tlangzarh.

Pu Abraham Beirazi Khithie chuan Draft Electoral Roll hi March 10-ah tlangzarh anih thu leh claims & objection hi March ni 20 thleng thehluh theihna hun hawn a nih thu a sawi a. Tlawmngai pawl, political party, Assistant Electoral Registration Officer leh Election branch-te tel lo chuan final electoral roll hi tlangzarh theih a nih loh thu sawiin, 'an thawhrimna leh thawhhona that vanga tlangzarh theih a nita chu lawmthu a sawi a ni.'

Inthlan thatna neihna tur khuate chu general seat vek niin- Meisavaih East (seat 2), Thosai (seat 1), College Vaih II (seat 1), Noaotlah III (seat 1), Tipa V-III (seat 1) leh Khaikhy (seat 1) a ni a, final electoral roll hi kumin January ni 1 behchhana siam niin hemi huam chhunga vote nei awmzat chu 2521 -mipa 1179, hmeichhia 1342 an ni a, chhungkua 670 an ni.

Nimina hun hmannaah hian party hrang hrang aiawh, AERO leh Election branch staff-te an tel a, ADEO hian party tinte chu final electoral roll copy khat theuh a sem nghal a ni.

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawin chawhnu dar 2 leh a chanve-ah Chanchinthar puan leh a ni ang.

<><><>

## PM

Prime Minister Narendra Modia chuan nimin khan State leh Union Territory Chief Minister te West Asia buaina thleng mek chunchanga inpuahchahna a sawipui. Pu Modia hian video conference kaltlangin Chief minister te hi an state chhunga tuialhthei dinhmunte, thil man sang leh bungraw phurh kualna kawnga harsatna awm theite a sawi pui a ni. Nimin inhmukhawmnaah hian inthlan hmabak state aiawhte chu Model Code of Conduct in a phuar avangin an tel ve lo a. Inthlanna tur state Tamil Nadu, West Bengal, Assam, Kerala leh Poducherry Chief Secretary te hi a hranin Union Cabinet Secretary in inhmukhawm ala

neih pui dawn a. Tun tum hi Prime Minister Narendra Modia'n West Asia buaina chungchanga state Chief minister te a kawm vawikhatna a ni. Hetihlai hian Sawrkar laipui chuan tuialtheia chhiah a lak a ti hniam a. Nimin khan Union Finance Minister Nirmala Sitharamani chuan social media lamah he thu hi tarlangin Petrol leh diesel-a chhiah Central excise duty a lak chu litre khatah cheng 10 in a tihnam a. West Asia dinhmun thlir chungin sawrkar laipui chuan hetiang hian ruahmanna a siam a ti a. Hetianga chhiah tihlem anih avang hian mipuiten thil man sang an tawrh tur pawh a ven an beisei tih Union Finance Minister chuan a sawi. Central Board of Indirect Taxes and Custom Chairman Vivek Chaturvedi chuan Inter-Ministerial Briefing ah sawrkar hmalakna hi sawiin khawvel hmundanga thilman a san vanglaia rampawna thawnchhuah a tlem theihna tur a ni a ti.

<><><>

### PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 132-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>